

গণপ্রজাতন্ত্রী বাংলাদেশ সরকার
উপপরিচালকের কার্যালয়
ফায়ার সার্ভিস ও সিভিল ডিফেন্স
বরিশাল বিভাগ, বরিশাল
ddbsl@fireservice.gov.bd

অংশীজনের অংশগ্রহণে ডিসেম্বর/২০২২ মাসে অনুষ্ঠিত সভার কার্যবিবরণী।

সভাপতিঃ মোঃ মিজানুর রহমান, বিএফএম
উপপরিচালক, বরিশাল বিভাগ, বরিশাল।
সভার তারিখঃ ১৫/১২/২০২২ খ্রিঃ।
সভার সময়ঃ ০৯.০০ ঘটিকা।
স্থানঃ ১৩৬ ফজলুল হক এভিনিউ, উপপরিচালকের সম্মেলন কক্ষ।
উপস্থিতিঃ সভায় উপস্থিত কর্মকর্তা/কর্মচারীগণের নামের তালিকা: পরিশিষ্ট 'ক'

অত্র দপ্তরের বিভিন্ন পর্যায়ের কর্মকর্তা কর্মচারী ও বিভিন্ন প্রতিষ্ঠানের প্রতিনিধি ও অন্যান্যদের স্বাগত জানিয়ে সভাপতি সভার কার্যক্রম আরম্ভ করেন। অতঃপর ২০২২-২৩ অর্থবছরের অংশীজনের অংশগ্রহণে সভায় সভাপতি, জনাব মোঃ মিজানুর রহমান, বিএফএম স্বাগত বক্তব্যে জানান ফায়ার সার্ভিস ও সিভিল ডিফেন্স বরিশাল বিভাগের বিভিন্ন স্টেশন ও দপ্তরের মাধ্যমে জনগনের জন্য বিভিন্ন সেবা অগ্নি নির্বাপন উদ্ধার, প্রাথমিক চিকিৎসা সম্পর্কিত অপারেশনাল কার্যক্রম পরিচালনা করা হয়। তাছাড়া জনসচেতনতা লক্ষ্যে অগ্নি নির্বাপন উদ্ধার, প্রাথমিক চিকিৎসা বিষয়ক মহড়া, প্রশিক্ষণ নিয়মিত পরিচালনা করা হয়। ফায়ার সার্ভিস সিভিল ডিফেন্স দপ্তরসমূহের মাধ্যমে ফায়ার লাইসেন্স, ফায়ার রিপোর্ট প্রদান করা হয়। ফায়ার সার্ভিস ও সিভিল ডিফেন্স এর বিভিন্ন উন্নয়ন মূলক কর্মকান্ড এবং ফায়ার সার্ভিস এর বিভিন্ন সেবা কার্যক্রম তুলে ধরেন। প্রদত্ত সেবাসমূহের মান বজায় রাখা, গুণগত ও পরিমাণগত মানোন্নয়নের লক্ষ্যে সেবাসমূহ সম্পর্কে উপস্থিত বিভিন্ন অংশীজনের সাথে বিভিন্ন কর্মক্রম আলোচনা সাপেক্ষে নিম্নোক্ত সিদ্ধান্তসমূহ গৃহীত হয়:

■ **জনাব মোঃ নেজহরুল ইসলাম, ম্যেজিং ডাইরেক্টর, বেঙ্গল হসপিটাল উল্লেখ করেন**

- ১। ফায়ার সার্ভিস এর অন্যান্য সেবার পাশাপাশি অ্যান্থ্রাক্স সার্ভিসের পরিধি বাড়ানো প্রয়োজন।
- ২। ফায়ার সার্ভিস এর বিভাগীয় কর্মকর্তা কর্মচারীদের দক্ষতা বৃদ্ধির লক্ষ্যে প্রশিক্ষণ কার্যক্রম বৃদ্ধি করা প্রয়োজন।
- ৩। বৈদ্যুতিক দুর্ঘটনা মোকাবেলার লক্ষ্যে জনসচেতনতার জন্য ইলেকট্রিক সেফটি বিষয়ক প্রশিক্ষণ বৃদ্ধি অত্যন্ত জরুরী।

উত্তরে উপপরিচালক বরিশাল বিভাগ, বরিশাল জানান উল্লিখিত বিষয়ে অধিদপ্তরে আলোচনাপূর্বক সিদ্ধান্ত গ্রহণ করে পরবর্তী প্রয়োজনীয় পদক্ষেপ গ্রহণ করা হবে।

■ **সুব্রত হালদার, এক্সিকিউটিভ, কেমিষ্ট ফার্মাসিটিক্যাল, বরিশাল উল্লেখ করেন**

- ১। ফায়ার সার্ভিস ও সিভিল ডিফেন্স এর মাধ্যমে বিভিন্ন প্রতিষ্ঠানে মহড়া পরিচালনার কারণে ব্যাপক সচেতনতা বৃদ্ধি পেয়েছে এ কার্যক্রম আরো বাড়ানো প্রয়োজন।
- ২। ফায়ার সার্ভিস বিভিন্ন সময় অংশীজনের সভা আয়োজন করে থাকে ভবিষ্যতে অংশীজনের সাথে যোগাযোগ আরো বৃদ্ধি করা প্রয়োজন।

এ প্রেক্ষিতে উপপরিচালক বরিশাল বিভাগ, বরিশাল, জানান রুটিন কার্যক্রম হিসেবে ফায়ার সার্ভিস ও সিভিল ডিফেন্সে বিভিন্ন স্টেশনের মাধ্যমে মহড়া কার্যক্রম পরিচালনা করা হয় ভবিষ্যতে বিভিন্ন প্রতিষ্ঠানে আরো বেশি কার্যক্রম মহড়া পরিচালনা করা হবে। তাছাড়া প্রতি তিন মাস অন্তর অংশীজনের সভা করা হয় সেটি অব্যাহত থাকবে।

■ মোঃ সুলতান আরেফিন, সেফটি অফিসার, ফরচুন সুজ লিমিটেড উল্লেখ করেন

- ১। বিসিক শিল্পনগরীতে ক্রমশ শিল্প প্রতিষ্ঠান বৃদ্ধি পাচ্ছে। বিসিক এলাকার সুরক্ষা নিশ্চিতকল্পে বিসিক এলাকায় একটি ফায়ার স্টেশন স্থাপন করা প্রয়োজন।
- ২। ফায়ার সেফটি সেলের মাধ্যমে ফায়ার সেফটি ট্রেনিং এর জন্য আবেদন করলে দ্রুত সাড়া পাওয়া যায়না, তাছাড়া ট্রেনিং শেষে সার্টিফিকেট পেতে অনেক সময় ব্যয় হয়। এ বিষয়ে সকল কার্যক্রম ত্বরান্বিত করা প্রয়োজন।
- ৩। সেফটি ইস্যু বিষয়ে মালিক পক্ষকে সচেতনতার লক্ষ্যে জানানো এবং তাদের অংশগ্রহণের প্রয়োজনীয় ব্যবস্থা গ্রহণ করা জরুরী।

এ পরিপ্রেক্ষিতে উপপরিচালক, বরিশাল বিভাগ, বরিশাল জানান উক্তবিষয় সমূহ অধিদপ্তরকে অবহিত করে আলোচনা পূর্বক প্রয়োজনীয় পদক্ষেপ গ্রহণ করা হবে।

■ আব্দুল্লাহ আল মামুন, এক্সিকিউটিভ, এডিবি গ্রুপ জানান

- ১। বিভিন্ন শিল্প প্রতিষ্ঠানে ফায়ার সেফটি আরো বাড়ানো দরকার।
- ২। কোন বড় ভবন নির্মাণ করা হলে রাস্তার প্রশস্ততা বাড়ানো দরকার।


এতদ্বিষয়ে উপপরিচালক বরিশাল বিভাগ, বরিশাল অবগত করেন শিল্প প্রতিষ্ঠানের নিজস্ব উদ্যোগে রাস্তাসহ ফায়ার সেফটি নিশ্চিত করতে হবে। এ বিষয়ে ফায়ার সার্ভিস ও সিভিল ডিফেন্স বিভিন্ন প্রতিষ্ঠানে সার্ভে ও পরিদর্শনপূর্বক পরামর্শ প্রদান করেন। প্রয়োজনে নিকটস্থ ফায়ার স্টেশনে যোগাযোগের জন্য অনুরোধ করেন।

■ আব্দুর রহমান, ফ্যাক্টরি ম্যানেজার, বেঙ্গল বিস্কুট লিমিটেড, বরিশাল।


- ১। প্রতিটি প্রতিষ্ঠানে নিরাপত্তা জোরদার করার জন্য ফায়ার সার্ভিস এর প্রশিক্ষণ দেয়া প্রয়োজন।

উক্ত বিষয়ে উপপরিচালক বরিশাল বিভাগ, বরিশাল জানান প্রতিটি শিল্প প্রতিষ্ঠানে ফায়ার সার্ভিসের প্রশিক্ষণ গ্রহণের বাধ্যবাধকতা রয়েছে। এক্ষেত্রে নির্ধারিত ফি জমা দান সাপেক্ষে প্রশিক্ষণের জন্য আবেদন করলে ফায়ার সার্ভিস ও সিভিল ডিফেন্স কর্তৃক ০২ (দুই) দিন ব্যাপী প্রশিক্ষণ প্রদান করা হয়। সকল প্রতিষ্ঠানকে উক্ত প্রশিক্ষণ গ্রহণের জন্য অনুরোধ করা হলো।

অংশীজনের সভায় সকলকে উপস্থিত হয়ে মূল্যবান মতামত প্রকাশের জন্য ধন্যবাদ জানিয়ে ভবিষ্যতে এ ধরনের সভায় অংশগ্রহণের অনুরোধ এবং উক্ত আলোচনায় গৃহীত সিদ্ধান্ত বাস্তবায়নের সাথে সংশ্লিষ্টদের দায়িত্ব সঠিক ও সুচারুভাবে পালনের নির্দেশনা প্রদান করেন। সভায় অন্য কোন আলোচনা না থাকায় ধন্যবাদ জানিয়ে সভাপতি সভার কার্যক্রমের সমাপ্ত ঘোষণা করেন।


মোঃ মিজানুর রহমান, বিএফএম

উপপরিচালক



তারিখঃ

০৬/০৯/২২
২৬/০২/২২

বঙ্গাব্দ
শ্রিঃ

স্মারক নং-৫৮.০৩.১০০০.০০২.০৫.০১৫.১৭/৩০২২

অনুলিপি:

১. মহাপরিচালক, ফায়ার সার্ভিস ও সিভিল ডিফেন্স অধিদপ্তর, ঢাকা। মহোদয়ের সদয় অবগতির জন্য।
২. সহকারী পরিচালক, ফায়ার সার্ভিস ও সিভিল ডিফেন্স, বরিশাল/পটুয়াখালী।
৩. উপসহকারী পরিচালক, ফায়ার সার্ভিস ও সিভিল ডিফেন্স, সংশ্লিষ্ট.....সকল।
৪. ফোরম্যান, বিভাগীয় কারিগরি কারখানা, ফায়ার সার্ভিস ও সিভিল ডিফেন্স, বরিশাল।
৫. সহকারী যোগাযোগ প্রকৌশলী, বিভাগীয় নিয়ন্ত্রণ কক্ষ, ফায়ার সার্ভিস ও সিভিল ডিফেন্স, বরিশাল।
৬. সিনিয়র স্টেশন অফিসার, ফায়ার সার্ভিস ও সিভিল ডিফেন্স স্টেশন, বরিশাল সদর/দক্ষিণ।
৭. মবিলাইজিং অফিসার, বিভাগীয় নিয়ন্ত্রণ কক্ষ, ফায়ার সার্ভিস ও সিভিল ডিফেন্স, বরিশাল।